



**KOMISIJA ZA PRIPREMANJE PRIJEDLOGA ZA IZBOR
suradnika/ice u zvanje asistenta/ice za oblast Rimsko pravo**

**UNIVERZITET U SARAJEVU – PRAVNI FAKULTET
VIJEĆU PRAVNOG FAKULTETA**

- *ovdje*

Sarajevo/Osijek, 01.10.2024. godine

UNIVERZITET U SARAJEVU
PRAVNI FAKULTET

Broj:

01-1366/24

Datum;

1. 10.

2024

god.

Predmet: Izvještaj Komisije za pripremanje prijedloga za izbor jednog suradnika/ice u zvanje asistenta/ice za oblast Rimsko pravo, dostavlja se –

(I) Podaci o objavljenom Natječaju, formiranju Komisije i zaprimanju prijava

- a) Univerzitet u Sarajevu – Pravni fakultet je na osnovu usvojenog Dinamičkog plana potreba za raspisivanje natječaja za izbore u akademska zvanja u studijskoj 2023/24. godini koji je usvojen Odlukom Vijeća Pravnog fakulteta, broj: 01-1428/23 od 6. 9. 2023. godine; Odluke Senata Univerziteta u Sarajevu, broj: 01-9-134/24 od 29. 5. 2024. godine; Odluke Vlade Kantona Sarajevo o davanju suglasnosti za zapošljavanje na Univerzitetu u Sarajevu, broj: 02-04-39650-11/24 od 22. 8. 2024. godine, raspisao Natječaj za izbor jednog suradnika/ice u zvanju asistenta/ice za oblast Rimsko pravo (dalje: Natječaj), u skladu s čl. 121 Zakona o visokom obrazovanju ("Službene novine Kantona Sarajevo", broj: 36/22) (dalje: Zakon), u svezi s čl. 28 i 34 Okvirnog zakona o visokom obrazovanju ("Službeni glasnik Bosne i Hercegovine", broj: 59/07 i 59/09), odnosno čl. 233 i 234 Statuta Univerziteta u Sarajevu, broj: 01-14-35-1/23 od 26. 7. 2023. godine (dalje: Statut).

Natječaj je objavljen 30. 8. 2024. godine u dnevnom listu "Dnevni Avaz", te na web stranici Univerziteta u Sarajevu - Pravnog fakulteta (dalje: Fakultet) i Univerziteta u Sarajevu.

Rok za predaju prijava na Natječaj bio je 15 dana od dana objavljivanja.

- b) Na temelju čl. 123 Zakona i čl. 236 Statuta, Odlukom Vijeća Pravnog fakulteta, broj: 01-1213-1/24 od 19. 9. 2024. godine, na prijedlog Katedre za pravnu historiju i komparativno pravo, imenovana je Komisija za pripremanje prijedloga za izbor suradnika/ice u zvanju asistenta/ice za oblast Rimsko pravo (dalje: Komisija) u sastavu:

1. **Dr. sc. Mirza Hebib**, docent za oblast Rimsko pravo na Univerziteta u Sarajevu – Pravnom fakultetu, predsjednik i član;
2. **Dr. sc. Mehmed Bečić**, vanredni profesor za oblast Pravna historija na Univerziteta u Sarajevu – Pravnom fakultetu, član;



3. **Dr. sc. Nikol Žiha**, izvanredna profesorica za oblast Rimsko pravo na Pravnom fakultetu Sveučilišta Josipa Jurja Strossmayera u Osijeku, članica.

U skladu s Odlukom o imenovanju Komisija je bila obvezna dostaviti Izvještaj s prijedlogom za izbor u akademsko zvanje Vijeću u roku 30 dana od dana imenovanja, sve u skladu s relevantnim odredbama Zakona i Statuta.

Komisija je održala sjednice 30.09.2024. i 01.10.2024. godine. Na sjednicama je usvojen Poslovnik o radu Komisije te su razmatrane zaprimljene prijave.

- c) U skladu s čl. 255 Statuta, Stručna služba Fakulteta je Komisiji dostavila Potvrdu o prijavama na Natječaj za izbor jednog suradnika/ice u zvanje asistenta/ice za oblast Rimsko pravo, broj: 01-1222-4/24 od 17. 9. 2024. godine, gdje je konstatirano blagovremeno zaprimanje tri (3) prijave.

Prijave, kronološki, na Natječaj podnijeli/e su sljedeći/e kandidati/kinje:

1. **Enida Dučić**, mr. iur. iz Sarajeva, broj prijave: 01-1138/24 od 9. 9. 2024. godine
2. **Tarik Čančar**, BA iur. iz Jajca, broj prijave: 01-1195/24 od 16. 9. 2024. godine
3. **Adina Kapo**, mr. iur. iz Sarajeva, broj prijave: 01-1194/24 od 16. 9. 2024. godine

U skladu s odredbom čl. 256, st. (2) Statuta, Stručna služba je Potvrdom, broj: 01-1314/24 od 25. 9. 2024. godine, nakon uvida u dostavljenu dokumentaciju, potvrdila kako su sve zaprimljene prijave uredne (potpune) u skladu s raspisanim Natječajem.

Na osnovu Odluke o imenovanju, nakon što je razmotrila zaprimljene prijave i priloženu dokumentaciju prijavljenih kandidata/kinja, Komisija, u skladu sa odredbama čl. 112 i 124 Zakona, odnosno čl. 227 i 236 Statuta i odredbi Poslovnika o radu Komisije, podnosi sljedeći:

IZVJEŠTAJ

1. Analiza zaprimljenih prijava

U tekstu Natječaja je navedeno kako za izbor u zvanje “asistent/ica” kandidati/kinje pored općih zakonskih uvjeta trebaju ispunjavati i uvjete iz čl. 112, st. (2), točka a) Zakona, odnosno čl. 224 do 228 Statuta.

Uz pisanu prijavu na Natječaj, s popisom dostavljene dokumentacije, kandidati/kinje su bili u obvezi dostaviti dokumente i dokaze u skladu s čl. 235, st. (1) Statuta.

Komisija je razmatrala prijave kronološkim redoslijedom kako su dostavljene.



1.1. Kandidatkinja Enida Dučić, mr. iur.

Kandidatkinja Enida Dučić, mr. iur. uz prijavu na Natječaj priložila je dokumentaciju kako slijedi:

- Prijavu na Natječaj za izbor u akademsko zvanje suradnice u zvanje asistentice za oblast Rimsko pravo;
- Izvod iz matične knjige rođenih na ime Enida Dučić, broj: 09-10-13903/2024 od 03.09.2024. godine (original);
- Uvjerenje o državljanstvu na ime Enida Dučić, broj: 09-10-13904/2024 od 03.09.2024. godine (original);
- Biografiju i listu objavljenih autorskih radova i drugih doprinosa, uz dostavljene materijalne primjerke;
- Diplomu o stečenoj akademskoj tituli i stručnom zvanju magistre prava, broj: 1275 od 16.12.2023. godine, s pripadajućim Dodatkom diplomi o završenom drugom ciklusu studija na Univerzitetu u Sarajevu – Pravnom fakultetu od 16.12.2023. godine (ovjerene fotokopije);
- Diplomu o stečenoj akademskoj tituli i stručnom zvanju bakalaureat prava, broj: 3031, od 13.12.2022. godine, s pripadajućim Dodatkom diplomi o završenom prvom ciklusu studija na Univerzitetu u Sarajevu – Pravnom fakultetu od 13.12.2022. godine (ovjerene fotokopije);
- Priznanje Zlatna značka Univerziteta u Sarajevu za prvi i drugi ciklus studija, broj: 6/23, od 16.12.2023. godine (ovjerena fotokopija);
- Priznanje Zlatna značka Univerziteta u Sarajevu za prvi ciklus studija, broj: 10/22, od 13.12.2022. godine (ovjerena fotokopija);
- Uvjerenje Kantonalnog suda u Sarajevu o stručnom osposobljavanju, broj: 009-0-Su-23-000907 od 03.09.2024. godine (ovjerena fotokopija);
- Odluku o imenovanju za studenta-demonstratora, broj: 01-1342-1/21 od 20.09.2021. godine (ovjerena fotokopija);
- Certifikat o sudjelovanju na regionalnim rundama *Price Media Law Moot Court* u Budimpešti 2021. godine (ovjerena fotokopija);
- Certifikat o sudjelovanju u svojstvu suca na *Central Eastern European Regional Round of Price Media Law Moot* u Budimpešti 2022. godine (ovjerena fotokopija);
- Certifikat o sudjelovanju na *Media Law School: Online Freedom of Expression and Assembly* od 14. - 19.09.2021. godine (ovjerena fotokopija);
- Certifikat o sudjelovanju na *Law on the Bosphorus International Summer School* od 15. - 28.08.2020. godine (ovjerena fotokopija);
- Certifikat o sudjelovanju na *Program on Legislative Assistance to Bosnia and Herzegovina's Criminal Procedure Codes* od 21.04.2021. godine (ovjerena fotokopija);
- Certifikat o osvojenoj nagradi za studentski esej *UN IRMCT Inter-University Video Lectures Programme International Law and the Facts Established before the ICTY* od 18.03.2022. godine (ovjerena fotokopija);
- Certifikat o obavljanju prakse unutar UN Međunarodnog rezidualnog mehanizma za kaznene sudove u Den Haagu od 02.06.2022. godine (ovjerena fotokopija);
- Pozivno pismo Pravnog fakulteta Univerziteta u Regensburgu za mobilnost u svojstvu slobodnog istraživača od 24.01.2023. godine (fotokopija);
- Certifikat o izlaganju na XXVIIth Annual Forum of Young Legal Historians "Meeting of Legal Cultures" od 21. - 23.09.2023. godine (ovjerena fotokopija);



- Certifikat o izlaganju na Međunarodnom memorijalnom skupu Marko Petrak “Roman Legal Tradition and Contemporary Legal Systems” od 16. - 18.10.2023. godine (ovjerena fotokopija);
- Certifikat o izlaganju na The International Symposium on Balkan Periodicals: Trajectory of the Islamic Thought 1918-145. od 24. - 26.02.2024. godine (ovjerena fotokopija);
- Odluku o imenovanju Tima za provedbu projekta pod nazivom “Istraživanje temelja europeizacije prava u Bosni i Hercegovini u procesu pristupanja Europskoj uniji” broj: 01-1865-1/23 od 03.11.2023. godine (fotokopija);
- Certifikat o poznavanju engleskog jezika na C1 - Advanced nivou, broj: 17364/24 od 29.08.2024. godine (ovjerena fotokopija);
- Kopiju Konačne rang liste za doktorski studij - treći ciklus u akademskoj 2024./25. godini, broj: 01-956/24 od 12.07.2024. godine;
- Potvrdu o stipendiranju za izvrsnost od strane Konrad Adenauer Fondacije od 22.11.2021. godine;
- Certifikat o sudjelovanju na Kongresu studenata prava za 2021. godinu, izdat od strane Udruženja studenata prava (ovjerena fotokopija);
- Certifikat o uspješnom pohađanju radionice “Vladavina prava i Evropska konvencija o ljudskim pravima s posebnim naglaskom na član 6.” od marta 2021. godine, izdat od strane Udruženja “Vaša prava BiH” u kolaboraciji sa Konrad Adenauer Fondacijom (ovjerena fotokopija);
- Certifikat o pohađanju tečaja “Obrazlaganje sudskih odluka i Ljudska prava” od 26.02. -21.04.2024. godine u okviru programa *Human Rights Education for Legal Professionals*, izdat od strane Council of Europe (ovjerena fotokopija).

1.1.1. Sažeta biografija kandidatkinje:

Kandidatkinja Enida Dučić rođena je 08.06.1999. godine u Sarajevu. Zvanje bakalaureat prava stekla je na Univerzitetu u Sarajevu – Pravnom fakultetu 2022. godine, ostvarivši prosječnu ocjenu 9,69. Titulu magistre prava stekla je 2023. godine obranom završnog rada na temu “Projekt izgradnje jedinstvenog *Ius Commune Europaeum*”, koji je klasificiran u oblast rimskog prava, čime je završila drugi ciklus studija na Katedri za pravnu historiju i komparativno pravo, smjer: komparativno-pravni, ostvarivši tijekom studija prosječnu ocjenu 10,00. Za uspjehe tijekom studija dobitnica je dvije Zlatne značke Univerziteta u Sarajevu. U procesu je upisa na doktorski studij na Univerzitetu u Sarajevu – Pravnom fakultetu.

Tijekom studija bila je angažirana u svojstvu studenata-demonstratora na predmetima oblasti Rimsko pravo. Za vrijeme studija je participirala u radu ELSA Sarajevo. Dobitnica je Stipendije za izvrsnost Fondacije Konrad Adenauer. Tijekom drugog ciklusa studija boravila je u okviru programa mobilnosti na Institutu za njemačku i europsku pravnu povijest gdje je provodila istraživanje pod mentorstvom prof. dr. Martina Löhniga.

Aktivno je participirala u natjecanjima u simuliranom suđenju iz medijskog prava, u okviru kojih je ostvarila nekoliko nagrada na međunarodnom nivou. Sudjelovala je u različitim ekstrakurikularnim programima iz oblasti prava. Sudjelovala je u projektu UN-ovog Međunarodnog rezidualnog mehanizma za kaznene sudove u okviru kojeg je nagrađena Nagradom za najbolji studentski esej na temu neposredno vezanu za opći rad Haškog tribunala i Rezidualnog mehanizma, te je tim povodom obavljala jednomjesečnu praksu u prostorijama



Mehanizma u Den Haagu. Dobitnica je Nagrade za najbolji studentski esej na Univerzitetu u Sarajevu – Pravnom fakultetu u 2021. godini.

Od 2023. godine je angažirana u svojstvu istraživačice na znanstveno-istraživačkom projektu "Istraživanje temelja europeizacije prava u Bosni i Hercegovini u procesu pristupanje Europskoj uniji" koji implementira Univerzitet u Sarajevu – Pravni fakultet, uz podršku Ministarstva za nauku, visoko obrazovanje i mlade Kantona Sarajevo, gdje je u okviru projekta boravila na istraživačkom boravku na Institutu za rimsko pravo i prava istočnog Mediterana Sveučilišta La Sapienza u Rimu.

Od 2023. godine zaposlena je kao pripravnica u Kantonalnom sudu u Sarajevu.

Kandidatkinja se aktivno koristi engleskim jezikom u pismu i govoru, a u biografiji navodi kako poznaje i njemački jezik.

Uz prijavu na Natječaj priložila je i listu objavljenih radova i izlaganja u okviru međunarodnih znanstvenih/stručnih skupova:

- a) Dučić, E., "Overview of ICT Ys' complex history of prosecuting crimes of sexual violence committed during the war in the Balkans" (stručni rad), u: *Essay Volume: Mechanism Information Programme for Affected Communities*, United Nations, Federalno ministarstvo vanjskih poslova Švedske, Den Haag, 2021., str. 4-16.
- b) Dučić, E., "Međunarodni memorijalni skup Marko Petrak „Roman Legal Tradition and Contemporary Legal Systems" (prikaz), *Pravna misao*, broj 1-2, Sarajevo, 2024., str. 140-149.
- c) Dučić, E., "Hanna Younis, Žene u sudskim spisima 1878-1914" (prikaz), *Historijska traganja*, broj 2, Sarajevo, 2023., str. 255-258.
- d) XXVIIth Annual Forum of Young Legal Historians – Meeting of Legal Cultures, 21-23.09.2023. godine, Sarajevo, gdje je izložila referat: *Striving for legal convergence: Assessing the challenges and benefits of ius commune Europaeum in Bosnia and Herzegovina's private law* (izlaganje);
- e) Međunarodni memorijalni program Marko Petrak – Roman Legal Tradition and Contemporary Legal Systems, 16-18.09.2023. godine, Dubrovnik, gdje je izložila referat: *Building ius Commune Europaeum: Reviving Roman Law for Modern Legal Harmonization* (izlaganje);
- f) The International Symposium on Balkan Periodicals: Trajectory of Islamic Thought 1918-1945, 24-26.02. 2024. godine, Skopje, gdje je izložila referat: *Analiza časopisa Naša Bosna i Novi Behar u kontekstu oblikovanja nacionalnog duha muslimanskog stanovništva u Kraljevini Srba, Hrvata i Slovenaca* (izlaganje).



1.2. Kandidat Tarik Čančar, BA iur.

Kandidat Tarik Čančar, BA iur. uz prijavu na Natječaj priložio je dokumentaciju kako slijedi:

- Prijavu na Natječaj za izbor u akademsko zvanje suradnika u zvanju asistenta za oblast Rimsko pravo;
- Izvod iz matične knjige rođenih na ime Tarik Čančar, broj: 08/2-13-75567/24 od 11.09.2024. godine (ovjerena fotokopija);
- Uvjerenje o državljanstvu na ime Tarik Čančar, broj: 04/1-10-1-30060/2024 od 10.09.2024. godine (ovjerena fotokopija);
- Biografiju;
- Diplomu o stečenoj akademskoj tituli i stručnom zvanju bakalauerat prava broj: 3140 od 16.12.2024. godine, uz pripadajući Dodatak diplomi o završenom prvom ciklusu studija na Univerzitetu u Sarajevu – Pravnom fakultetu od 16.12.2024. godine (ovjerene fotokopije);
- Uvjerenje o položenim ispitima za drugi ciklus studija od 12.09.2024. godine (ovjerena fotokopija);
- Uvjerenje o osiguranju, broj: 13-6/7-12-41-5102-729/24 od 04.09.2024. godine (ovjerena fotokopija);
- Rješenje Upravnog odbora Regionalne advokatske komore Sarajevo, broj: 987/23 od 10.10.2023. godine (ovjerena fotokopija);
- Certifikat za sudjelovanje na VIII Državnom natjecanju u simuliranom suđenju iz oblasti kaznenog materijalnog i kaznenog procesnog prava, Jahorina, 01 - 04.11. 2022. godine (ovjerena fotokopija);
- Potvrdu o osvojenom prvom mjestu na VIII natjecanju u simulaciji suđenja iz oblasti kaznenog materijalnog i kaznenog procesnog prava, broj 01-664/23 od 04.04.2023. godine (ovjerena fotokopija);
- Certifikat o sudjelovanju na III natjecanju u simulaciji kaznenog postupka održanom na Pravnom fakultetu u Nišu od 07. - 09. 04.2023. godine (fotokopija);
- Certifikat o sudjelovanju na 17. Regionalnom Moot Court natjecanju iz ljudskih prava održanom u Podgorici od 12. - 15.05.2023. godine, izdatom od strane "Civil Rights Defenders" (ovjerena fotokopija);
- Diplomu za osvojeno drugo mjesto na 17. Regionalnom Moot Court natjecanju iz ljudskih prava održanom u Podgorici (ovjerena fotokopija);
- Certifikat za sudjelovanje na programu Klinika iz međunarodnog i europskog prava ljudskih prava u periodu od 16.11. do 19.12.2020. godine u organizaciji ELSA Sarajevo (ovjerena fotokopija);
- Certifikat za osvojeno prvo mjesto na Natjecanju u simuliranom suđenju pred Europskim sudom za ljudska prava održanom periodu od 18. do 19.12.2020. godine u organizaciji ELSA Sarajevo (ovjerena fotokopija);
- Zahvalnicu za sudjelovanje u debati na temu "Da li je digitalizacija unaprijedila rad pravosuđa u Bosni i Hercegovini" u organizaciji Visokog sudskog i tužiteljskog vijeća Bosne i Hercegovine, Banja Luka, od 22.03.2021. godine (ovjerena fotokopija);
- Certifikat o završenom tečaju o borbi protiv rasizma, ksenofobije, homofobije i transfobije u okviru programa Europske Unije i Vijeća Europe "Promocija različitosti i ravnopravnosti u Bosni i Hercegovini" od 16.12.2021. godine (ovjerena fotokopija);
- Certifikat o sudjelovanju na Programu legislativne asistenciji na kaznenim procesnim zakonima u Bosni i Hercegovini, u organizaciji Ministarstva pravde Sjedinjenih



Američkih Država i American Bar Association: Rule of Law Initiative od 2022. godine (fotokopija);

- Certifikat o sudjelovanju na online treningu “Osnovna pravila cyber higijene” od 27.06.2021. godine (fotokopija).

1.2.1. Sažeta biografija kandidata:

Kandidat Tarik Čančar je rođen 28. 03. 2001. godine u Sanskom Mostu. Zvanje bakalauerat prava stekao je 2023. godine na Univerzitetu u Sarajevu – Pravnom fakultetu ostvarivši prosječnu ocjenu tijekom studija 8,62. Trenutno prohađa drugi ciklus studija na Katedri za pravnu historiju i komparativno pravo, smjer: komparativno-pravni. Prema saznanju Komisije temu završnog rada prijavio je iz oblasti rimskog prava.

Osim formalnog obrazovanja, kandidat je ostvario i značajne rezultate u brojnim izvanastavnim aktivnostima. U tom pogledu, ističemo kako je kandidat sudjelovao na nekoliko natjecanja u simuliranom suđenju (u oblasti kaznenog materijalnog i procesnog prava, te ljudskih prava), gdje je ostvario zapažene rezultate i priznanja. Dobitnik je Stipendije za izvrsnost Fondacije Konrad Adenauer u Sarajevu. Osim navedenog, sudjelovao je u nekoliko projekata i programa, od kojih kao osobito relevantne prepoznamo Kliniku iz međunarodnog i europskog prava ljudskih prava u organizaciji ELSA Sarajevo, debatu na temu “Da li je digitalizacija unaprijedila rad pravosuđa u Bosni i Hercegovini” u organizaciji Visokog sudskog i tužilačkog vijeća Bosne i Hercegovine, te sudjelovanje u Programu legislativne asistencije na kaznenim procesnim zakonima u Bosni i Hercegovini, u organizaciji Ministarstva pravde Sjedinjenih Američkih Država i American Bar Association - Rule of Law Initiative.

Kandidat je od 2023. godine u svojstvu pripravnika zaposlen u odvjetničkom uredu Nermina Vile. Dugogodišnji je član organizacije ELSA, te član Kluba almunista Fondacije Konrad Adenauer u Sarajevo.

Kandidat u biografiji navodi kako poznaje engleski jezik.

1.3. Kandidatkinja Adina Kapo, mr. iur.

Kandidatkinja Adina Kapo, mr. iur. uz prijavu na Natječaj priložila je dokumentaciju kako slijedi:

- Prijavu na Natječaj za izbor u akademsko zvanje suradnice u zvanje asistentice za oblast Rimsko pravo;
- Izvod iz matične knjige rođenih na ime Adina Kapo, broj: 11-10-15943/20 od 23.09.2023. godine (ovjerena fotokopija);
- Uvjerjenje o državljanstvu na ime Adina Kapo, broj: 08/2-13-76031/24 od 11.09.2024. godine (ovjerena fotokopija);
- Biografiju;
- Diplomu o stečenoj akademskoj tituli i stručnom zvanju bakalaureat prava na Univerzitetu u Sarajevu – Pravnom fakultetu, broj: 2546 od 19.12.2020. godine, uz pripadajući Dodatak diplomi o završenom prvom ciklusu studija na Univerzitetu u Sarajevu – Pravnom fakultetu od 19.12.2020. godine (ovjerene fotokopije);



- Priznanje Srebrna značka Univerziteta u Sarajevu za prvi ciklus studija, broj: 113/20 od 19.12.2020. godine (ovjerena fotokopija);
- Diplomu o stečenoj akademskoj tituli i stručnom zvanju magistre prava broj: 1088 od 18.12.2021. godine, uz pripadajući Dodatak diplomi o završenom drugom ciklusu studija na Univerzitetu u Sarajevu – Pravnom fakultetu od 18.12.2021. godine (ovjerene fotokopije);
- Priznanje Zlatna značka Univerziteta u Sarajevu za prvi i drugi ciklus studija, broj: 13/21 od 18.12.2021. godine (ovjerena fotokopija);
- Posebno priznanje i pohvala za izuzetan doprinos afirmaciji Treće gimnazije 2014/2015. šk. god. (fotokopija)
- Posebno priznanje i pohvala za izuzetan doprinos afirmaciji Treće gimnazije 2015/2016. šk. god. (fotokopija)
- Uvjerjenje o položenom pravosudnom ispitu, broj: 01-05-1-203/23-25 od 23.07.2024. godine, izdato od strane Federalnog ministarstva pravde (ovjerena fotokopija);
- Pismo preporuke mentorice prof. dr. sc. Amile Ferhatović od 25.12.2023. godine;
- Potvrdu o radnom stažu u Zajedničkoj advokatskoj kancelariji “Kapo Muhidin, Hošo rođ. Kapo Ajla i mr. Kapo Rijad”, broj: 09/24 od 11.09.2024. godine (original);
- Certifikat kojim se potvrđuje da je Adina Kapo uspješno završila testiranje poznavanja rada na računaru, ur. broj: 05-22147-P/2024 (ovjerena fotokopija);
- Certifikat o sudjelovanju na Kongresu studenata prava za 2021. godinu, izdat od strane Udruženja studenata prava (ovjerena fotokopija).

1.3.1. Sažeta biografija kandidatkinje:

Kandidatkinja Adina Kapo rođena je 14.04.1997. godine u Sarajevu. Prvi ciklus studija završila je na Univerzitetu u Sarajevu – Pravnom fakultetu 2020. godine, čime je stekla akademsku titulu i stručno zvanje bakalaureata prava. Tijekom studija je ostvarila prosječnu ocjenu 9,04, te ne nagrađena posebnim priznanjem Srebrna značka Univerziteta u Sarajevu za postignute akademske uspjehe. Obranom završnog rada na temu “Oduzimanje imovine pribavljene krivičnim djelom - studija slučaja Zijad Turković i drugi” kandidatkinja je 2021. godine na Univerzitetu u Sarajevu – Pravnom fakultetu završila drugi ciklus studija na Katedri krivičnog prava i stekla akademsku titulu i stručno zvanje magistre prava. Povodom uspjeha tijekom studija nagrađena je najvišim priznanjem Zlatna značka Univerziteta u Sarajevu.

Po završetku studija zaposlena je kao pripravnica u Zajedničkoj advokatskoj kancelariji “Kapo Muhidin, Hošo (rođ. Kapo) Ajla i mr. Kapo Rijad”. U 2024. godini uspješno je položila pravosudni ispit pred Komisijom Federalnog Ministarstva pravde.

Kandidatkinja u biografiji navodi kako poznaje engleski jezik.



2. Analiza procjene ispunjenosti uvjeta za izbor u zvanje asistenta/ice

Prilikom procjene ispunjenosti uvjeta za izbor u zvanje asistenta/ice, Komisija je, u skladu s čl. 112, st. (1) i (2), točka a) Zakona, odnosno čl. 226 i 227 Statuta, na osnovu priloženih dokumenata i dokaza koji se nalaze uz prijavu kandidata/kinja vrednovala:

- (1) minimalne uvjete za izbor u znanstveno-nastavna zvanja na visokoškolskoj ustanovi, a vezane za izbor u zvanje asistenta: odgovarajući stupanj obrazovanja s najmanje 240 ECTS bodova i najnižom ocjenom 8 ili 3,5 ili VII stupanj studija po predbolonjskom sustavu studija s najnižom prosječnom ocjenom 8;
- (2) dodatne uvjete od osobitog značaja vezane za oblast izbora, kao na primjer: prosječnu ocjenu iz predmeta oblasti, usavršavanje u oblasti u kojoj se vrši izbor, temu završnog rada, studentsku demonstraturu, poznavanje stranih jezika, sudjelovanje na natjecanjima i/ili drugim relevantnim skupovima, edukacije i treninge, sudjelovanje u projektima i slično, a sve u kontekstu uvjeta za izbor u znanstveno-nastavna zvanja na visokoškolskim ustanovama koji su definirani kroz: znanstvena dostignuća i doprinose, nastavničke sposobnosti, doprinose procesu internacionalizacije te društvene doprinose.

2.1. Minimalni zakonom propisani uvjeti

2.1.1. Odgovarajući stupanj obrazovanja

Među prijavljenim kandidatima/kinjama jedan kandidat, Tarik Čančar, ima okončan samo prvi ciklus studija, odnosno titulu bakalaureata prava (240 ECTS), dok kandidatkinje Enida Dučić i Adina Kapo imaju okončan prvi i drugi ciklus studija, odnosno titulu magistri prava (300 ECTS).

Shodno navedenom, svi kandidati/kinje ispunjavaju uvjet završetka odgovarajućeg stupnja obrazovanja s najmanje 240 ECTS bodova (prvi ciklus studija prava).

2.1.2. Prosjek ocjena

U pogledu općeg prosjeka ocjena na prvom ciklusu Komisija utvrđuje redoslijed kako slijedi:

- a) Enida Dučić: 9,69/10
- b) Adina Kapo: 9,04/10
- c) Tarik Čančar: 8,62/10

U pogledu prosjeka ocjena na predmetima iz oblasti Rimsko pravo, za koju se vrši izbor, Komisija konstatira kako je kandidatkinja Enida Dučić ostvarila prosječnu ocjenu 10,00 na predmetima Rimsko pravo I i Rimsko pravo II; kandidatkinja Adina Kapo 9,0 na predmetima Institucije rimskog prava i Osnove europskog privatnog prava, te kandidat Tarik Čančar 8,5 na predmetima Rimsko pravo I i Rimsko pravo II.

Komisija jednoglasno konstatira da svi/e prijavljeni kandidati/kinje ispunjavaju minimalne uvjete za izbor u zvanje asistenta propisane čl. 112, st. (2), točka a) Zakona – odgovarajući stupanj obrazovanja s najmanje 240 ECTS bodova i najnižom ocjenom 8.



Ipak, imajući u vidu opći prosjek studija, te prosjek studija na predmetima oblasti Rimsko pravo, za koju se vrši izbor, Komisija konstatira kako je najviše rezultate tijekom studija postigla kandidatkinja Enida Dučić.

2.2. Dodatni uvjeti

Čl. 112, st. (3) Zakona je predviđeno da će Statutom i općim aktom, a u skladu sa Smjernicama iz čl. 116, visokoškolska ustanova utvrditi posebno vrednovanje za dodatne oblasti prilikom izbora u akademska zvanja, ali Smjernice ni navedeni opći akti Univerziteta nisu doneseni.

Ipak čl. 112, st. 3 Zakona date su određene upute i okvir iz kojih je moguće procijeniti šta zakonodavac smatra relevantnim kod izbora u nastavnička zvanja kao što su: nastavničke sposobnosti, doprinos internacionalizaciji, društveni doprinos, pri čemu daje preciznije odrednice za pojedine kriterije. Komisija je cijenila tako propisane kriterije. Naravno, budući da se radi o prvom izboru u zvanje asistenta/ice, od kandidata/kinja nije moguće zahtijevati ispunjenje navedenih kriterija u potpunosti, ali je Komisija nastojala utvrditi postoji li barem određena tendencija kada su pojedini kriteriji u pitanju.

2.2.1. Nastavničke sposobnosti

Nije moguće ocjenjivati ovaj zakonski kriterij, ali Komisija konstatira kako je kandidatkinja Enida Dučić bila angažirana kao student-demonstrator na predmetima oblasti Rimsko pravo u razdoblju od dvije akademske godine, čime je stekla određeno iskustvo, ali i bila u stanju procijeniti ima li afiniteta prema radu sa studentima/cama. Kandidati/kinje Tarik Čančar i Adina Kapo nemaju iskustvo demonstratora/ice, kao niti iskustvo predavača/ica.

Imajući u vidu istaknuti demonstratorski angažman, Komisija cijeni kako kandidatkinja Enida Dučić u odnosu na ovaj zakonski kriterij, ima komparativnu prednost u odnosu na ostale kandidate/kinje.

2.2.2. Usavršavanje u oblasti u kojoj se vrši izbor

Na prvom mjestu je Komisija u obzir uzela usmjerenje kandidata/kinja ka oblasti za koju se biraju, a čime pokazuju svoju sklonost specifičnosti oblasti. Komisija smatra kako se to usmjerenje može utvrditi, između ostalog, kroz izbor studija drugog ciklusa, izbor teme završnog rada i odabirom izbornih predmeta.

Svi kandidati/kinje su upisali/e i/ili apslovirali/e drugi ciklus studija.

Kandidatkinja Enida Dučić je završila drugi ciklus studija na Katedri za pravnu historiju i komparativno pravo, smjer: komparativno-pravni. U okviru studija je ostvarila prosječnu ocjenu 10,00. Kao izborni predmet smjera odabrala je *Ius commune*, koji pripada oblasti Rimsko pravo. Uspješno je obranila završni rad pod naslovom *Projekt izgradnje jedinstvenog Ius Commune Europaeum*, koji je klasificiran u oblast rimskog prava. Kandidatkinja je dostavila Konačnu listu kandidata/kinja koji/e su ostvarili pravo na upis na doktorski studij na Univerzitetu u Sarajevu – Pravnom fakultetu, što dodatno potvrđuje njezin interesa za bavljenje znanstveno-istraživačkim radom.



Kandidat Tarik Čančar je student drugog ciklusa studija na Katedri za pravnu historiju i komparativno pravo, smjer: komparativno-pravni. U okviru studija je ostvario prosječnu ocjenu 9,75. Prema uvidu u priloženo Uvjerenje o položenim ispitima od 12. 9. 2024. godine još uvijek nije položio sve ispite, a prema saznanju Komisije u procesu je izrade završnog rada iz oblasti rimskog prava.

Kandidatkinja Adina Kapo nije se opredijelila za drugi ciklus studija na Katedri za pravnu historiju i komparativno pravo. Iz priložene dokumentacije vidljivo je kako je kandidatkinja završila drugi ciklus studija na Katedri krivičnog prava.

Uzimajući u obzir naznačeno, Komisija cijeni kako kandidatkinja Enida Dučić ima komparativnu prednost u odnosu na ostale kandidate/kinje, s obzirom na akademsko usmjerenje i specijalizaciju u oblasti rimskog prava.

2.2.3. Društveni doprinos

Zakon u čl. 112, st. (3), točka c) propisuje da društveni doprinos predstavljaju: priznanja i nagrade ostvarene od šire društvene zajednice ili visokoškolske ustanove; sudjelovanja u savjetodavnim tijelima institucija od šireg društvenog značaja; sudjelovanja u nadležnim tijelima/komisijama/grupama/savjetima koje rade na jačanju, planiranju i unaprijeđenju svih procesa u okviru visokoškolskih ustanova; rad na realizaciji aktivnosti vezanih za unapređenje institucije i razvoj zajednice; sudjelovanja u izdavačkom/uređivačkom odboru domaćih časopisa; zbornika radova i monografija; organizacijskim i znanstvenim odborima domaćih konferencija; savjetovanja; okruglih stolova; recenzija znanstvenih radova; knjiga i monografija; rad na oblikovanju javnih politika; konzultantski rad za zajednicu; volonterski rad za visokoškolsku ustanovu i zajednicu; rad na razvojnim projektima; sudjelovanje u inicijativama vezanim za ostvarenje globalnih ciljeva održivog razvoja.

Komisija je označila ono što bi moglo biti primjenjivo na izbor asistenta/ice. Budući je riječ o izboru u prvo akademsko zvanje, čitav niz navedenih zahtjeva nije moguće ispuniti, ali određene aktivnosti kandidata/kinja upućuju na to da su neki kriteriji ispunjeni iako se radi o osobama koje bi tek trebale započeti akademsku karijeru.

Kandidatkinja Enida Dučić dobitnica je dvije Zlatne značke Univerziteta u Sarajevu, za uspjeh ostvaren tijekom studija, Nagrade za studentski esej *UN IRMCT Inter-University Video Lectures Programme International Law and the Facts Established before the ICTY* i Nagrade za osvojeno prvo mjesto na regionalnom natjecanju za područje Jugoistočne Europe u okviru *Price Media Law Moot Court* u organizaciji Bonaverio instituta za ljudska prava i Sveučilišta u Oxfordu. Kandidatkinja je dobitnica Stipendije za izvrsnost Fondacije Konrad Adenauer u Sarajevu, te Stipendije za istraživački boravak na Sveučilištu u Regensburgu (SR Njemačka). Također, osvojila je Nagradu – prvo mjesto za najbolji studentski esej na Univerzitetu u Sarajevu – Pravnom fakultetu u 2021. godini. Kandidatkinja Adina Kapo dobitnica je jedne Srebrene i jedne Zlatne značke Univerziteta u Sarajevu, te dvije Pohvale za afirmaciju Treće gimnazije. Kandidat Tarik Čančar nema priznanja za rezultate tijekom studija, ali je dobitnik Nagrade za osvojeno prvo mjesto na VIII državnom natjecanju u simulaciji suđenja iz oblasti kaznenog prava, te Stipendije za izvrsnost Fondacije Konrad Adenauer u Sarajevu.

Primjetno je kako su kandidati Enida Dučić i Tarik Čančar aktivno participirali u većem broju studentskih natjecanja u simulaciji suđenja (od kojih su neka s međunarodnim predznakom).



U pogledu šireg volonterskog doprinosa visokoškolskoj ustanovi i društvenoj zajednici, pregledom cjelokupne dostavljene dokumentacije, Komisija je stava kako su svi prijavljeni kandidati/kinje, kroz svoj aktivni angažman tijekom studija pokazali zavidan nivo odgovornosti i doprinosa.

Ipak, unatoč činjenici da je u pitanju troje izvrsnih kandidata, promatrajući društveni doprinos u cjelini, posebno imajući u vidu značaj i vrstu ostvarenih priznanja za dosadašnji studij i rad, Komisija u ovom segmentu cijeni kako je kandidatkinja Enida Dučić, u odnosu na ostale kandidate/kinje ostvarila veći društveni doprinos u dosadašnjem akademskom angažmanu.

2.2.4. Doprinos procesu internacionalizacije

Zakon u čl. 112, st. (3), točka b) navodi kako doprinos procesu internacionalizacije uključuje međunarodnu mobilnost; sudjelovanje u radu tijela koja se bave procesom internacionalizacije na visokoškolskoj ustanovi; sudjelovanje u aktivnosti Strategije internacionalizacije visokoškolske ustanove; sudjelovanje u kreiranju i realizaciji cikličnog; necikličnih studijskog programa; ljetnoj/zimskoj školi; mikroakreditivima održanim i na stranom jeziku za strane i domaće studente; prestižnim međunarodnim konferencijama; sudjelovanje u uređivačkim odborima međunarodnih časopisa; znanstvenim i organizacijskim odborima međunarodnih konferencija; recenziranju međunarodnih projekata ili međunarodnih znanstvenih radova ili knjiga/monografija izdanih na stranim jezicima; sudjelovanja u radu međunarodnih stručnih/znanstvenih udruga/inicijativa/konzorcija/komisija; sudjelovanje u međunarodnim projektnim timovima ili međunarodnim znanstvenim/profesionalnim mrežama; uređivačkom odboru međunarodnih časopisa; komisijama za izbor na inozemnim visokoškolskim ustanovama; mentorstvima na inozemnim visokoškolskim institucijama; realizaciju gostujućih predavanja na međunarodnim konferencijama; visokoškolskim institucijama; i međunarodnim udrugama/asocijacijama.

Komisija je označila ono što bi moglo biti primjenjivo na izbor asistenta/ice. Budući je riječ o izboru u prvo akademsko zvanje, čitav niz navedenih zahtjeva nije moguće ispuniti, ali određene aktivnosti kandidata/kinja upućuju na to da su neki kriteriji ispunjeni iako se radi o osobama koje bi tek trebale započeti akademsku karijeru.

Svi prijavljeni kandidati/kinje poznaju engleski jezik u govoru i pismu, o čemu su priložili dokumentaciju. Kandidatkinja Enida Dučić u biografiji ističe kako poznaje i njemački jezik.

Kandidati Enida Dučić i Tarik Čančar su sudjelovali u prestižnim studentskim međunarodnim natjecanjima, što je Komisija i ranije konstatirala. Oboje su dobitnici prestižne Stipendije za izvrsnost Fondacije Konrad Adenauer u Sarajevu. Oboje su aktivno participirali u radu ELSA (*European Law Students' Association*) Sarajevo. Kandidatkinja Adina Kapo nema posebnih dodatnih doprinosa u oblasti internacionalizacije.

U ovom segmentu, za razliku od ostalih dvoje kandidata/kinja, kandidatkinja Enida Dučić je ostvarila i nekoliko doprinosa direktno vezanih uz oblast Rimsko pravo, za koju se vrši izbor. S tim u vezi, na temelju analize zaprimljene dokumentacije, Komisija konstatira i posebno prepoznaje kako je kandidatkinja:



- U ljetnom semestru 2022/23. godine boravila u okviru programa međunarodne mobilnosti na Sveučilištu u Regensburgu (SR Njemačka), na Institutu za njemačku i europsku pravnu povijest, pod mentorstvom prof. dr. Martina Löhniga;
- Istraživačica na projektu “Istraživanje temelja europeizacije prava u Bosni i Hercegovini u procesu pristupanja Europskoj uniji” koji realizira Univerzitet u Sarajevu - Pravni fakultet, uz podršku Ministarstva za nauku, visoko obrazovanje i mlade Kantona Sarajevo, u okviru kojeg je boravila na kraćem istraživačkom boravku na Institutu za rimsko pravo i prava istočnog Mediterana Sveučilišta La Sapienza u Rimu, jednom od najprestižnijih instituta za istraživanje rimskog prava u svijetu;
- Sudjelovala na nekoliko međunarodnih programa/konferencija iz oblast rimskog prava i pravne povijesti: (1) XXVIIth Annual Forum of Young Legal Historians – Meeting of Legal Cultures, 21-23.09.2023. godine, Sarajevo, gdje je izložila referat: *Striving for legal convergence: Assessing the challenges and benefits of ius commune Europaeum in Bosnia and Herzegovina's private law*; (2) Međunarodni memorijalni program Marko Petrak – Roman Legal Tradition and Contemporary Legal Systems, 16.-18.09.2023. godine, Dubrovnik, gdje je izložila referat: *Building ius Commune Europaeum: Reviving Roman Law for Modern Legal Harmonization*; (3) The International Symposium on Balkan Periodicals: Trajectory of Islamic Thought 1918-1945, 24- 26.02. 2024. godine, Skopje, gdje je izložila referat: *Analiza časopisa Naša Bosna i Novi Behar u kontekstu oblikovanja nacionalnog duha muslimanskog stanovništva u Kraljevini Srba, Hrvata i Slovenaca*.
- Objavila jedan stručni rad na engleskom jeziku, te dva prikaza u časopisima indeksiranim u međunarodnim citatnim bazama:
 - a) Dučić, E., “Overview of ICT Ys' complex history of prosecuting crimes of sexual violence committed during the war in the Balkans” (stručni rad), u: Essay Volume: Mechanism Information Programme for Affected Communities, United Nations, Federalno ministarstvo vanjskih poslova Švedske, Den Haag, 2021., str. 4-16.
 - b) Dučić, E., “Međunarodni memorijalni skup Marko Petrak „Roman Legal Tradition and Contemporary Legal Systems” (prikaz), Pravna misao, broj 1-2, Sarajevo, 2024., str. 140-149.
 - c) Dučić, E., “Hanna Younis, Žene u sudskim spisima 1878-1914” (prikaz), Historijska traganja, broj 2, Sarajevo, 2023., str. 255-258.

Shodno istaknutom, Komisija konstatira kako je kandidatkinja Enida Dučić u odnosu na ostalo dvoje kandidata/kinja, u ovom segmentu ostvarila najznačajne aktivnosti za vrijeme studija, posebno prepoznajući kako je iskazala poseban angažman i zainteresiranost za Rimsko pravo.

3. Mišljenje i prijedlog

Komisija konstatira kako se na Natječaj za izbor jednog suradnika/ice u zvanje asistenta/ice za oblast Rimsko pravo prijavilo troje kandidata/kinja od kojih svi/e ispunjavaju propisane uvjete u pogledu stečenog zvanja i prosjeka ocjena. Komisija polazi od toga kako su minimalni uvjeti propisani zakonom završen prvi ciklus studija (uz ostvareni prosjek ocjena) i nije *a priori* dala prednost kandidatkinjama sa završenim drugim ciklusom (ili upisanim trećim ciklusom studija), već je tragala za opredjeljenjem kandidata/kinja za znanstveno-nastavni rad, i to u oblasti rimskog prava, a za koju se izbor vrši.



Komparirajući prijave kandidata/kinja i valorizirajući njihove kvalifikacije, intelektualnu radoznalost i afinitet po svim kriterijima koje je Komisija u kontekstu uvjeta propisanih Zakonom smatrala relevantnim (prosjeck ocjena, izborne predmete, usmjerenje na drugom ciklusu studija, demonstraturu za vrijeme studija, društveni doprinos, osobito ostvarena priznanja i nagrade, te doprinose procesu internacionalizacije), Komisija je jednoglasno zaključila kako je kandidatkinja Enida Dučić po svim kriterijima ostvarila bolje rezultate od ostalih kandidata/kinja.

Osim što je ostvarila bolje rezultate tijekom studija te obranila završni rad iz oblasti rimskog prava, kod kandidatkinje Enide Dučić, u cjelini gledajući, Komisija je konstatirala kako su interesi i težište dosadašnjeg rada jasno usmjereni prema oblasti Rimsko pravo, za koje se vrši izbor, što je Komisija u konačnici cijnila kao odlučujuće i čemu daje specifičnu težinu.

Na osnovu prethodno izloženih činjenica, cijeneći sve stručne i znanstveno-istraživačke kvalitete, te odgovarajuće reference u pogledu zakonom propisanih uvjeta, Komisija jednoglasno procjenjuje kako kandidatkinja Enida Dučić ispunjava u primjetno većoj mjeri uvjete, u odnosu na uvjete propisane Zakonom za izbor u akademsko zvanje asistenta/asistentice za oblast Rimsko pravo, te se shodno tome Vijeću Univerziteta u Sarajevu – Pravnog fakulteta upućuje

PRIJEDLOG

da se ENIDA DUČIĆ, mr. iur. izabere u zvanje asistentice za oblast Rimsko pravo na Univerzitetu u Sarajevu – Pravnom fakultetu.

KOMISIJA:

Dr. sc. Mirza Hebib, docent

Dr. sc. Mehmed Bečić, van. prof.

Dr. sc. Nikol Žiha, izv. prof.